

Mer Woxrke Ca Maelmaerjia Lei Zuixl Bei

Ca cirke a lei yaa mel ca seir armel a; yel yaa si ho a merlabbor ddeix cexr eine zzirdae. Yaa cirmelmel a nael bbeix yaa zuixl bei nr goxr, cirmelmel a nael bbeix yaa zuixl bei dae mel yarzi ye, yel Arbosobo eilmel leil nr i yux, arsaе bei lei yaa leil merlabor ddeix lol var, yaa bbeix dae eilmel mel yarzi nr nga. Niul xiar dae mel lei Arbosobo serpaxl nia. Ca cirddei-hanga lei kerjiar nr ddo saexl, nael ni ca ar ddei dax nrbba-nrbba xiar goxr goxr a? Arbosobo ddei sul ber leil bbeix: ni nixmox zzar zuixl mel leil xiar a dder zuixl zza a. Arbosobo ddei sul ber gga vaexr dae a bbeix:

“Nia halcar ca leil miardal goxr mel bbejjiur a bbeix: ‘Kerjiar nr ddo,’ eine bbeix a. Nael ngo nia leil bbeix gger: ha ssormaer leil mia a dder yar dax kerjiar niazzir a mel, yar ddei nixmox zzar mel dder ssormaer hal ddei dax kerjiar ho sael a nga a.” (Martaexl Sul 5:27-28)

Ni halleix ni dax goxr naer dae ca ddei zzaegu hazza leil liwo niazzirzzir? Ni ni dax goxr naer dae ca mel leil nixnox goxr goxr a? Ni yar ddei zzaegu mel leil li niazzirzzir? Ni yar ddei capor bbeixsaе maerssor leil li niazzir goxr goxr a? Arbosobo bbeix eilmel mel zuixl a. Arbosobo ddei sul ber gga vaexr dae a bbeix:

“Ca mel ddei xi leil tuxr nr ddo; ca ddei maerssor, zebol, niur, tarlodaex, halae yar ddei hazza leil lei tuxr nr ddo.” (Cu’aezixrjil Sul 20:17)

Mer Woxrke Ca Maelmaerjia Lei Zuixl Bei

Arbosobo ddei sul ber lei bbeix, niul zuixl cir ddei a bei zzorbbeixlei, zuixl maelmaejjia bei suax a:

“Ha arseir Lixlfaxr mel gga ar yoxr dax bei nr mae dae a mel dder maelmaerjia dax bei nr mae dae sael a nga a.” (Yargel Sul 2:10)

Zuixl zza ca mel dder zuixl zza ca a; niul lei saexl, zuixl zza su ca mel dder merlabbor ddeix nr cexr. Eil ddei mel dder niul ca maelmaerjia leil bbeix. Niul ca mel gga seir a merlabbor ddeix piar su ca ar ddei nr zza. Arbosobo ddei sul ber gga vaexr dae a bbeix:

“Holbbaexl nr seir bei su ca mel Arbosobo ddei goxr gga ddir nr cexr nia nr saexl a ngo? Armael leil fur nr ddo.” (Gelixrdo Sul Vaexr Beil Ber 6:9)

Yoxl bbeix: “Arddolcar ci a lei gol dae Arbosobo leixrga gga ddir ci a mel yarzisael gexrddo.” (Xiboxrlaexr Sul 10:31)

Arbosobo mel bbaehhex, yel yar arsae bei lei zuixl mel leil faxr nia. Arbosobo ddei sul ber leil bbeix, sirnilni nr ddux a mel, zuixl mel leil ssoxrsuxl nr cexr. Arbosobo ddei ssor Yisu zuixl nr zza a mel, yar dder niul ca maelmaerjia leil zuixl nr zza lol ziddu ddei bei cexr. Yar niul ddei zuixl mel leil weix a faxr lol yux, halae Arbosobo ca mel leil perniar a, yar yar leil niul ddei dirtu bei lol yux. Yar leil sixrzixljiaxl ddei leil diexr zil gger car, yar mel niul ddei dirtu a. Arbosobo ddei sul ber lei bbeix: Niul mel acixl ya sael a jjiumo ssi pixl a, cirddei-hanga lei armael arsae bei niazzir arsae bei; nael Arbosobo niul ddei zuixl mel leil weix a Yisu leil faxr ho a. Ni Yisu sixrzixljiaxl ddei leil si a mel ni ddei zuixl mel leil weix a

Mer Woxrke Ca Maelmaerjia Lei Zuixl Bei

si ddarzzi a mel, ni leil dder jiuxl wo a; niul mel maelmaerjia lei zuixl bei a; niul ddei zuixl mel leil mel arsae bei lei faxr nia, yel ni armael leil jiuxl bbesur nr zza. Seirceix-seirmaer ca ar ddei nr zza; ca cirddei-hanga leil Arbosobo yar leil ssoxrsuxl lol nia. Nael Arbosobo yar ddei ssorzil leil ca mel leil jiuxl lol eil ddei mel ca mel leil meixl gger dae arddeir a; ca mel ddoddo-nrddo li nia nr nga. Ni, ni ddei zuixl mel li wo mibbe ddei ni leil ddeix lol niazzir arddeirnga a mel, ni dder dixlyuxl gga mibbe. Ni Yisu leil ni ddei zuixl mel leil daexljiaxl fuxl gger lol niazzir arddeirnga a, ni Arbosobo leil ‘ni mel ni zuixl zza ca ar ddei a saexl, ni yar ni leil weix a bei dae hazza leil ddarzzi, Yisu ni ddei zuixl mel leil weix a sixrzixljiaxl ddei leil diexr zil a ddarzzi’ eine bbeix gger cexr. Ni arsae bei lei eil ddei leil ddarzzi nia, eine nga a, ni leil dder ssoxrsuxl cexr. Yisu mel ni ddei zuixl mel leil weix a yar leil faxr lol ho a; ni leil zeixleixr lei faxr nr ssa a. Arbosobo mel Yisu leil gol du xixl lei lol ho a; si ddei leil mel bei leixl gger ho a; yel ni si ho a ni leil gol du xixl lei lol a merlabbor Arbosobo dax cirgo a hher dae lol nia. Eil ddei mel Arbosobo niul leil meixl gger dae niul leil jiuxl cexr seirseir ddei nga a. Arbosobo ddei sul ber gga vaexr dae a bbeix:

“Ni meir ddei gga ‘Yisu mel Seirpor a’ cexrssexl halae nixmox zzar Yisu si a Arbosobo yoxl yar leil gol du xixl lei lol eine ddarzzi a mel, ni leil dder jiuxl wo ddo. Niul nixmox zzar Zidu leil ddarzzi dae a mel dder Arbosobo niul leil zuixl nr zza i mal gger. Niul meir ddei gga ‘Yisu mel Seirpor a’ cexrssexl a mel dder niul leil jiuxl wo a.” (Loxrmar Sul 10:9-10)

Mer Woxrke Ca Maelmaerjia Lei Zuixl Bei

Arbosobo ddei sul ber leil yoxl bbeix: “Ha Seirpor ddei leil qiuxr su ca mel, yaa leil jiuxl wo nia.” (Loxrmar Sul 10:13)

Ni Yisu leil ddarzzi niazzir a eine biar nia:

“Arbosobo, ngo mel nr seir cirke bei goxr, ngo ni dax huixrsoxr lei. Ni Yisu leil ngo leil gger a ngo ni leil nawo. Seirpor Yisu, ni ngo leil weix a sixrzixljiaxl ddei leil diexr zil a ngo ni leil nawo, ni ddei sirnilni mel ngo ddei zuixl mel leil ssorsuxl a ngo ni leil nawo. Seirpor Yisu, ngo ni leil ddarzzi, ngo ni leil qie, ni ngo nixmox zzar ddir lei. Ngo, ngo ddei olga ddei ni leil jia gger yux, cirse-cirsil ni dax mae yux. Ngo ni leil nawo a: ni ngo leil ni leil saexl lol, Yisu ddei mi leil koxl dae a bbeix, amae.”